

欽定剿平粵匪方略

欽定勦平粵匪方略卷五十五 癸丑年

八月十七日己丑琦善陳金綬雷以誠福濟奏言

揚城賊匪經官兵四面環攻該逆防範益嚴七月二十六日按察使查文經密派兵勇分路設伏二十七日賊匪六百餘名出鈔關門伏兵齊出擊之相持之際忽又有賊約四百名出徐凝門兵勇人少爲賊所圍適臣福濟及查文經聞

警馳至親督參將馮景尼等帶兵迎擊始而槍礮齊施繼復短兵相接斃賊二百餘名餘匪遁入城內二十八九等日賊匪屢由西門北門等處縋下均經我兵擊斃多名餘匪復遁入城八月初五初六初七等日城中濃煙疊起並無烈焰悉因旦夕將竄先焚積聚臣等密飭各營嚴扼要隘臣福濟督飭將弁在東關開放大礮轟

塌城垣三丈餘賊情極爲驚怖現仍竭力圍攻
各門惟鈔關徐凝二門賊匪屢次窺伺意欲由
此竄出賊置浮橋在運河中緊臨鈔關門城下
屢燬屢易業已嚴行防堵又將城外河道沈石
釘樁不使一船闖入陸路要口安設坐卡盤詰
奸宄連日拏獲奸細多名皆自江甯鎮江賊營
遣來探聽消息均卽審明正法現值中秋大汛

集之耳目 卷之三十一 二
江甯鎮江賊船難保不乘潮竄入已密飭南路官兵先爲之備但使城中食盡外援不至即可殲除小醜收復郡城奏入

上命軍機大臣傳諭琦善陳金綬雷以誠福濟曰逆匪久困揚城屢次縋城思竄均經該處兵勇分路截擊殲斃不少其通船各水路均已沈石釘樁陸路各要口亦均嚴密堵禦復嚴斷其接濟外援旣絕自有坐

困之勢惟賊勢愈窮則愈圖竄逸一旦潰圍而出分擾他處又成蔓延之勢不可不嚴加防範該大臣等務當分飭官兵各路守禦勿墮奸計其金陵鎮江賊船尤須嚴防竄入琦善陳金綬雷以誠福濟雖分路駐紮實共辦一事琦善身爲統帥更屬責無旁貸趁此賊勢窮蹙同心合力迅圖克復久困之賊不難聚而殲旃也

同日略秉章奏言臣欽奉

諭旨飭撥水師船隻或雇備民船配帶礮位駛赴金陵
攻剿查湖南水師僅有岳州洞庭二營上年岳
州失守戰船被賊焚燬洞庭戰船亦因調赴湘
陰防堵被賊擊壞現飭趕造一時不能應手至
民船經粵逆擄掠後爲數無幾求其能配帶礮
位足備水戰者尤難其選臣籍隸廣東竊見東

省有拖罟船及快蟹船二種向俱安設礮位轉
運輕便柁工水手習知水性涉波濤而不驚且
慣施放槍礮勦匪最爲得力如由廣西陡河順
流東下可達金陵可否請

旨飭下兩廣督臣選派得力將弁雇帶拖罟船快蟹船
由廣西陡河順流入江迅赴金陵以資攻勦奏

八

上命軍機大臣傳諭葉名琛柏貴曰前據江忠源奏請製造戰船並許乃普奏調廣東快蟹船當諭令葉名琛等將拖罟船式據咨明四川兩湖各督撫倣照製造復諭令派委員弁管帶快蟹船二三十隻由海道馳赴江南合剿茲據駱秉章奏稱拖罟快蟹等船可由廣西陡河入江前赴金陵等語此項船隻既可由內河駛達江南自無須遠涉大洋轉稽時日著葉名

琛柏貴迅速雇備拖罟船百隻快蟹船數十隻選派得力將弁配帶礮位火器駛駕入江與前赴江南之紅單船及各師船會合夾擊以期迅掃賊氛

十八日

庚寅

訥爾經額奏言 臣欽奉

諭旨派兵由澤州入晉剿匪查 臣前奏派副將孔廣順帶兵一千三百名前往卽係由澤州入山取道陽城迎頭截擊昨又續派兵二百名齎送米糧

續通志卷之三十三
三
接濟並令協同攻剿至調防直隸之山西兵三千名內除三百名前已令孔廣順帶往晉省外其餘二千七百名係分駐保定並磁州等處茲已分飭原帶官弁卽由獲鹿井陘一帶折回晉省聽候分撥防剿惟山西官兵旣經撤回應另撥兵屯駐當將前調之

盛京兵二千名駐紮正定吉林兵二千名於保定

並臨洺關地方各駐一千以期緩急有備其正
定順德二府屬毗連晉省各要隘節經諄飭嚴
密備防至固關爲晉省入直門戶尤關緊要現
經臣移緩就急咨會署提臣保恆統帶調駐省
城之提標兵五百名馳赴固關駐紮旣可爲晉
省策應並可固直隸藩籬第恐兵力尙單又將
蘭儀渡等處防兵抽調一千名飭赴正定屯紮

以備隨時調遣再查勝保等行營糧餉一切原
係河南省派員設立糧臺支應其總兵董占元
副將孔廣順等所帶馬步各兵係由直隸糧臺
支應該官兵赴晉追剿距各糧臺較遠山路崎
嶇轉運非易所有赴晉各兵勇應支糧餉軍火
請

飭山西撫臣轉飭該省糧臺就近應付俾免缺乏

同日勝保奏言初三日督兵至封門山口探報
逆匪已過封門山將山口關門踞住見我兵至
開礮抗拒其兩山對峙之中路狹僅行一馬臣
飭令兵丁分從樵路抄上賊衆棄關而走我兵
趕殺數十名餘賊西竄臣當會同善祿西凌阿
復飭副都統松玉等帶領馬步各隊跟蹤速追
至王屋鎮邵原鎮一帶沿途殺賊數百名初五

日我兵前隊追過垣曲數十里臣亦跟蹤而至
查知垣曲縣本有山西防兵數百名堵禦如合
力夾擊定可殄滅乃賊至卽潰以致縣城被擾
知縣被戕賊匪復由西竄初六日臣督兵尾追
至橫嶺關其山險峻異常最易守禦踰過此山
卽入平原臣原冀此處必有山西防兵可期夾
擊使賊殄滅乃竟漫無防守致賊從此竄出自

初六初七等日我兵已追及賊之後隊漸殺長
髮賊三四百名賊因我兵追勦愈緊奔竄愈速
沿途搶掠羸馬更換行走我兵疲於奔命無處
休息且米糧被賊搜盡無可覓食臣等仍督令
奮力窮追不敢少懈賊至絳縣地方官不知下
落賊入城焚掠聞我兵至復竄曲沃土匪勾賊
獻城知縣典史殉難幕友均被戕害城內四處

焚燒我兵趕到一面安民救火一面令馬隊追賊步隊隨後接應該逆於城外關廂分股擁出二千餘人經我兵殲斃二百餘人餘賊向西紛竄我兵追殺十餘里天晚暫歇初十日賊至平陽府城內因無兵勇經該府縣督率百姓守城未能抵敵府城失守及官兵趕至業已無及臣與善祿密商亟須連夜繞出賊前方可杜其北

竄遂令西凌阿等率領馬隊於北關外扼要設
伏詎意賊匪已謀北竄齊隊東關阻我兵進截
之路經西凌阿等奮勇斬殺三百餘名並殺其
坐轎頭目僞丞相及僞將軍等該匪被我兵衝
截兩段一半竄回平陽臣思該逆始而窮竄桀
悍之徒不過四五千入使堵禦有兵早已勦辦
得手今沿路裹脅又已過萬拏獲長髮賊訊供

欲由山西乘虛直犯京師是以所破城池不願
踞守臣揆度情勢若不跟蹤追剿逆賊必更猖
獗若僅一味窮追前途調兵攔阻不及設被竄
過韓侯嶺擾近畿疆大局不堪設想適總兵郝
光甲趕到平陽臣與善祿密商惟有先其所急
以北竄一股爲重囑令郝光甲暫將帶來之兵
二千餘名及托雲保所帶吉林馬隊三百餘名

並遊擊王定莖等帶領步隊一千一百餘名堵
剿平陽城內之賊臣與善祿乘夜督率馬步隊
於十三日馳抵洪洞探知該逆排隊出城正欲
北竄我軍馬隊繞至洪洞北關大路扼要截擊
步隊從東夾擊該逆喪膽回奔我兵擊殺五六
十名餘匪竄回城中閉門潛匿臣等已繞出賊
前將該逆全行兜住卽在縣城之北十五里上

紀落鎮紮營扼守並分布各小路要口扼其東北紛竄之路頃據郝光甲稟稱平陽逆匪因我兵將其截爲兩段欲與洪洞逆匪相併十三日突有賊匪數千人由平陽城內衝出北竄經該鎮督率將弁交戰兩時之久殺斃黃巾頭目一名及賊匪數百人餘匪退入城中生擒長髮賊十餘名訊供該逆仍欲上竄北京其僞丞相林

姓於十一日夜間被我兵截回時不知下落死
於軍中亦未可定等語臣伏思如該逆首已死
則其潰散更易擬俟兵齊設法進剿先將洪洞
之賊滅盡再行合剿平陽之賊然必使其南北
兩處不能相通方可得手臣已令郝光甲駐紮
平陽迤北扼其竄路總兵烏勒欣泰駐紮東關
外扼其東竄董占元駐紮南門外堵剿兼防西

路河干托雲保帶領吉林馬隊駐紮東南日夜
四路巡哨賊向何處竄逃卽向何處進剿惟董
占元現尙未到已飭其迅速趕至伏思平陽賊
匪突出時若被衝過與洪洞合股則臣等腹背
受敵賴該員弁等奮勇殺退不無微勞可否仰

懇

天恩准予查明請獎再查賊至洪洞時趙城各村鎮先

爲賊送贏馬米糧霍州城門大開人民逃散紳
衿備糧石以待賊是山西不但兵無可恃人心
亦渙散堪虞臣等兵到民心始覺稍定惟所帶
步隊馬隊除落後未到外僅四千餘名各處分
布殊形單弱請

飭統兵大臣迅由澤州陽城移兵前來會勦並嚴飭防
守韓侯嶺勿使賊匪偷越又臣帶兵所過之區

沿途村鎮皆爲賊匪搶掠一空糧臺相距日遠
且山路難以如期轉運已咨明直隸督臣轉咨
山西撫臣速撥銀二萬兩以濟急需

勝保又奏言查山西垣曲縣知縣晏宗望當賊
始至卽令閉城不意防剿之兵先經潰散逆賊
已從南門攻入該知縣被賊戕害身受七傷又
河東道張錫蕃奉派帶兵防剿亦被賊害該員

等歿於王事可否

飭查議卹出自

聖恩至都司玉恆署都司景亮奉派帶兵防守垣曲賊
至竟不接仗紛紛潰散以致任其蹂躪入城戕
官又不能退守橫嶺關力遏賊蹤致使出關紛
竄縱寇養癰殊堪痛恨相應請

旨飭令該撫查明嚴加治罪以爲臨陣畏葸者戒

同日托明阿奏言查逆匪竄至曲沃一帶各路官兵計已先後追及當可合力夾攻殲除淨盡惟該逆避實擊虛是其故技臣遵

旨統兵於八月十四日裹糧進山由澤州小路偵探賊蹤迎頭截擊與勝保善祿等會合勦洗務期悉數撲滅

同日哈芬奏言臣欽奉

諭旨帶兵兼程馳赴扼要地方迎勦賊匪當飛催郝光
甲烏勒欣泰兼程前來何路先至臣卽會同在
扼要地方迎勦杜賊北竄並曉諭城鄉紳民安
常固守互相保衛至省城已飭藩司督同府縣
等嚴密稽查並函致徐繼畬督同城內官民密
爲防範安定人心其平陽一帶並令各地方堅
壁清野糾集團勇合力接應復令遊擊和昌帶

兵八百名駐紮靈石縣屬韓侯嶺道遙嶺及霍州一帶地方使賊進無所踞退無所掠以期一鼓殲除均奏入

上命軍機大臣傳諭訥爾經額曰逆匪竄入平陽府城失守官兵跟蹤追勦該逆復竄至洪洞我兵沿途拏獲長髮賊供該逆欲由山西直犯京師勝保已至趙城繞出賊前將該逆全行兜住惟所帶兵勇尚恐不

敷分撥仍應添兵扼守前路據訥爾經額奏已派副將孔廣順帶兵由澤州一路前進所有前調山西兵三千名亦已飭令由獲鹿井陘一帶回省又據托明阿奏遵旨帶兵赴援已令其迅速前進並令恩華帶兵前往與勝保會合攻剿矣至直隸與山西交界地方除固關正定等處該大臣已撥兵駐守外其餘大小隘口均著嚴飭地方文武加意巡防杜賊奔竄

上又命軍機大臣傳諭勝保曰逆匪西竄晉省該處防
兵望風先潰以致後路追剿之兵不能得手殊堪痛
恨勝保帶兵繞出賊前賊勢既分攻剿較易著卽相
度機宜設法進剿並嚴飭各路帶兵將官四面兜圍
防其奔竄哈芬令遊擊和昌帶兵八百名駐紮韓侯
嶺一帶著卽催提前進扼要堵截恩華托明阿所帶
之兵計日亦可趕到均著勝保咨商妥爲布置趙城

霍州等處竟有餽賊贏馬豫備糧石之事該處素有習教之人難保不密爲勾結勝保駐紮該處務須加意慎重嚴密調度勿露風聲並曉諭紳耆自相保衛固結人心勿爲賊誘至軍餉已令郭夢齡迅撥銀二萬兩解赴大營如一時不能解到所有各州縣倉庫錢糧均准隨時動用晉省素稱富庶急公報效者諒不乏人如有紳民人等情殷助餉或資送米食接濟

軍營者均著勝保隨時獎賞保奏

上又命軍機大臣傳諭恩華托明阿曰前據恩華奏移
營濟源當令其不可株守一縣諒已星速跟追托明
阿於十四日始行裹糧進山由澤州小路偵探賊蹤
迎頭截擊已屬落後本日據勝保馳奏平陽府城於
初十日失守我兵跟蹤追勦賊復竄擾洪洞現將該
逆衝作兩段勝保等已繞出賊前遏其北竄惟所帶

馬步官兵僅止四千餘名各處隘口不敷分撥北路
韓侯嶺最爲扼要之區必須添兵駐守防其奔竄托
明阿著卽由陽城一路前進無分星夜馳赴韓侯嶺
一帶扼要迎擊斷不可稍有遲延恩華著卽由垣曲
一路進兵飛速遄行直赴平陽洪洞合力攻勦所有
赴晉各路官兵並山西省官兵已有旨均歸勝保調
度該尙書將軍等務須和衷共濟趁此賊匪喘息未

定之時一鼓殲除不留餘孽萬勿再令紛竄

上又命軍機大臣傳諭桂良曰勝保等追剿逆匪拏獲長髮賊供欲由山西直犯京師晉省與直隸毗連交界處所甚多固關等處爲北上通衢尤關緊要其餘小口亦尙不少著桂良將若何布置情形隨時具奏並派員實力巡查相機防守不可稍涉大意

上又命軍機大臣傳諭舒興阿曰逆匪竄入平陽洪洞

偏近陝境黃河兩岸情形最爲喫緊著舒興阿選派得力員弁管帶兵勇擇要駐紮飭令認真巡查收藏船隻嚴防偷渡該督駐紮陝州原爲防堵懷慶賊匪刻下賊竄晉省惟以防守陝境爲要或應移兵河岸截擊或應渡河前進攻勦著卽體察情形趕緊籌辦

上又命軍機大臣傳諭郭夢齡曰據勝保奏逆匪已於初十日竄入平陽府城失守復竄入洪洞覽奏實深

憤懣現在勝保縛出賊前在洪洞縣城北扼要紮營
杜其北竄並派令郝光甲帶兵二千名及托雲保帶
領吉林馬隊三百餘名遊擊王定莖等帶領步隊一
千一百餘名堵剿平陽之賊逆匪本欲全股北竄經
我兵繞出賊前使賊首尾不能相顧本日復諭令托
明阿恩華督率大兵分路兜剿自可迅就蕩平哈芬
派遊擊和昌帶兵八百名扼守霍州韓侯嶺等處該

處爲太原要隘著郭夢齡飛催該遊擊前往駐守毋
令賊匪竄越其勝保軍營所需糧餉著該署撫迅卽
撥銀二萬兩以資接濟其餘追剿各路官兵據訥爾
經額奏稱均應由山西糧臺支應諒該大臣已飛咨
晉省並著該署撫飛飭各屬所有過境官兵一體接
濟毋得貽誤

上諭內閣曰逆匪自竄擾垣曲晝夜狂奔因前路無兵

兜勦以致平陽府城倉猝失事擾及洪洞現在勝保已繞出賊前扼要駐紮托明阿恩華等帶領大兵計日亦可趕到著卽督飭各路弁兵合力夾擊毋稍延誤其殲斃坐轎之賊是否逆首著卽查明具奏曲沃縣知縣及幕友等殉難情節著查明請卹其失守城池文武各員並著確查嚴叅懲辦殺賊出力各員弁准勝保據實保奏候朕施恩

上又諭內閣曰山西河東道張錫蕃帶兵在垣曲防勦被賊戕害垣曲縣知縣晏宗望因防兵潰散猝不及備身受七傷殞命深堪憫惻張錫蕃晏宗望均著開復革職處分交部照例議卹其已革都司玉恆署都司景亮帶兵在垣曲防守賊至不敢接仗先自潰逃以致縣城失守逆燄臨張實堪痛恨景亮著一併革職卽著勝保查明玉恆景亮避匿何處派員拏解到

營卽於軍前正法以爲臨陣退縮者戒

同日雷以誠福濟奏言揚州東路兵力單薄經
臣等先後具陳茲奉

諭旨以慧成容照所帶之兵計日亦可趕到令卽擇要
分撥是東路緊要已在

聖明洞鑒之中現聞慧成奉調赴皖由揚州大路行走
卽日可抵灣頭大營由此前往安徽雖有陸路

可通而向少車馬往來必須雇覓民夫當此地
方凋敝流離雇夫頗難猝辦且各兵馳驅兩月
奔走稍疲與其沿路羈遲不能迅應安徽之急
不若卽留揚州東路會勦旣息兵力兼可迅克
揚城臣等謹遵

諭旨咨會慧成等卽駐兵揚州會同臣等設法進攻以
冀早蕩寇氛奏入

上命軍機大臣傳諭琦善慧成曰揚州東路兵力較單
固須添兵協助惟皖省賊蹤肆擾亦在防剿喫緊之
際著琦善慧成酌量情形如揚州東路喫緊應留慧
成督兵防剿所有皖省和州一帶應撥何項官兵前
往會剿抑或慧成仍赴安徽由琦善另撥兵勇協防
揚州東路總當統籌全局毋得顧此失彼

二十日

壬辰

上命軍機大臣傳諭勝保曰賊擾平陽洪洞勝保所帶馬步各隊僅止四千餘名各路隘口不敷分撥扼守昨據訥爾經額奏分駐保定等處之山西兵二千七百名已飭原帶官弁由獲鹿井陘一路折回晉省現在計可趕到此項官兵卽著勝保調赴行營或令協同攻勦或分撥韓侯嶺扼守要隘著卽相機督勦並催恩華托明阿等飛速前進趁此賊匪奔竄未定之

時一鼓殲除勿留餘孽

同日

上諭內閣曰賊匪竄擾山西哈芬退避失機民心驚擾
值此賊氛逼近總以防剿兼施鎮定人心爲要現在
勝保等統帶各路精兵抄越賊前扼要堵截恩華托
明阿等所帶馬步官兵計已趕到四面兜剿定可得
手郭夢齡卽督飭地方文武並剴切出示紳民人等

嚴密防守斷不可聞警遷移轉致橫遭搶掠至團練
爲禦賊善策疊經諭令該省實力奉行何以賊蹤一
至如入無人之境可見該地方官並不認真督率辦
理著郭夢齡再行傳諭所屬官紳士民合力同心互
相保衛迅殄逆氛以靖疆圉毋負朕諄諄訓誡至意
二十一日癸巳勝保奏言逆匪屢由平陽遁出欲
與洪洞之賊合股經我兵擊退斬獲甚多乃該

逆於十六日由平陽東門突出繞道東北乘夜
飛行竄至洪洞東門外經臣派駐洪洞南門截
勦之黑龍江馮隊及天津正定兵丁前往迎擊
殺斃長髮賊百餘名生擒十餘名餘賊奔入洪
洞南門追趕不及臣當令郝光甲派兵入平陽
府城安撫一面飛調平陽圍勦之兵前來洪洞
會勦查洪洞迤北可由霍州靈石直入太原西

可由蒲縣達汾州東可由岳陽赴潞安一帶道
路紛歧現在臣所統兵不數分布幸已扼住兇
鋒暫容布置如各路兵齊在洪洞合圍可期殲
滅淨盡但恐稍延時日仍不免有他竄之虞查
總兵董占元經臣豫派帶兵在平陽南門外防
勦屢次迎提總未見到副都統托雲保帶領馬
隊在平陽迤東紮營賊匪乘夜竄出不知追擊

復以兵力單弱難以攔阻爲詞總兵烏勒欣泰所帶之兵已到平陽數日該總兵尙在澤州逗留應請

旨將托雲保董占元烏勒欣泰先行革職責令帶罪圖功以觀後效現在賊氛剽急不可不統爲籌畫已飛致恩華等催兵由潞安一帶前來會剿並與善祿西凌阿等面商分派吉林黑龍江馬隊

涼州山西步隊官兵駐紮趙城縣鎮定民心防
護城池仍飛飭各路官兵迅速到齊不使逆匪
他竄

勝保又奏言前因北路喫緊將各路兵丁分布
北東西三面扼守查東南曲亭一路亦關緊要
已派郝光甲駐紮並因托雲保馬隊來遲聞其
已到曲亭卽令在彼扼要迎截十七日夜聞賊

由洪洞南門全股突出郝光甲弁兵抵禦不住
賊已衝過營盤向東飛奔托雲保驟不及防亦
被衝營而過臣當卽商令西凌阿魁福等帶領
黑龍江西安馬隊六百餘名跟蹤追擊查曲亭
鎮東可由浮山岳陽竄潞安府曲亭鎮北可由
山徑入沁源竄太谷徐溝直達太原臣與善祿
會商逃逆狂奔步隊尾追不及總以扼賊北竄

爲要卽日督率各路步隊由趙城霍州至韓侯
嶺總期繞出賊前保護太原扼要迎擊如賊竄
潞安臣等卽由韓侯嶺取道沁源轉折而南直
搗潞安北路截勦一面飛催清化續撥官兵由
澤州徑赴潞安勦辦並咨請嚴防獲鹿遼州及
澤州各口免其東竄磁州回竄懷慶頃接訥爾
經額來咨以赴晉追勦之兵先後已有一萬四

千名之多而覈計臣與善祿西凌阿等所帶馬步各隊僅四千餘名郝光甲帶兵一千五百名至董占元所帶八百名現未趕到此外七八千名係由何路前來尙未得有確信應請

旨飭催卽令由潞安東南一帶迅速迎擊不可再有延緩以便臣等由北路繞道馳往合剿奏入

上命軍機大臣傳諭勝保曰賊匪全股竄入洪洞現由

洪洞突出東奔我兵未能抵禦西凌阿魁福等帶領
馬隊六百餘名跟蹤追勦兵力未免單弱已諭訥爾
經額飭令恩華統兵迅速前進與勝保會合兜勦毋
庸暫留懷慶托明阿帶兵由澤州過山此時計當趕
到著卽飛催應由何路接應妥速布置賊勢剽急異
常軍情隨時變幻勝保務卽督催諸軍相機進勦如
有畏葸不前貽誤軍務者卽行嚴叅按律懲辦朕以

勝保臨陣奮勇爭先戰功屢著特授爲欽差大臣俾
事權歸一其嚴明賞罰以振軍威掃除餘逆用副委
任勉之慎之至誦爾經額所稱山西追勦之兵數已
踰萬現在未到之兵著卽查明嚴催前進毋再遲延

上

諭內閣曰自逆匪竄擾懷慶勝保與托明阿善祿等
偪近賊巢戰功屢著迨懷慶解圍餘匪西竄勝保與
善祿西凌阿等跟蹤追勦行走迅速獨能繞出賊前

杜賊北竄現在平陽府城業已收復賊匪由洪洞東
竄勝保等統帶馬步各隊扼要迎勦所有各路官兵
前已有旨均歸勝保調遣訥爾經額馳回正定一帶
嚴防各路要隘與晉省相距較遠一切調度勢難兼
顧著授勝保爲欽差大臣並著訥爾經額派員將欽
差大臣關防齎送山西軍營交勝保祇領所有各路
官兵及地方文武統歸節制著卽嚴催追勦各兵迅

速接應毋稍延緩恩華托明阿仍著幫辦軍務與勝保同心協力嚴飭各路帶兵員弁四面兜剿將奔竄賊匪剋期殄滅朕必加以懋賞直隸與山西毗連各隘口卽著訥爾經額督飭地方文武派委得力將弁嚴密防守偵察奸匪毋有疏虞至懷慶一帶卽責成河北鎮道督率地方文武與紳民練勇合力嚴防並著陸應穀察看情形擇要駐紮隨時調度其河岸南

北渡口仍著王履謙長臻實力巡查陝西交界各要
隘著舒興阿桂明等嚴密布置勿令餘匪偷渡該大
臣等其各懷遵朕命毋負委任

上又諭內閣曰總兵董占元經勝保豫派帶兵在平陽
南門外防勦屢次迎提總未見到副都統托雲保在
平陽迤東紮營於賊匪竄出不知追擊復以兵力單
弱爲詞董占元著卽革職暫留本任以觀後效托雲

保著摘去頂戴以示薄懲烏勒欣泰所帶之兵已到平陽數日而該總兵尙在澤州逗留似此遷延實堪痛恨該總兵業經革職留任著卽革任仍留軍營帶罪自效儻再不知奮勉卽照軍法從事

同日訥爾經額奏言據探賊匪已至洪洞係在平陽迤北顯有北竄詭謀固關防堵緊要已催調署提臣保恆馳往駐紮至正定等處多與晉

省毗連雖經節次派員防守但畿疆重地臣職
守所繫萬分焦急因思恩華現駐濟源當卽咨
會恩華暫留懷慶督兵駐守一面咨明撫臣陸
應穀作速前來清釐地方臣星夜馳回正定一
帶嚴密防備以固藩籬

同日桂良奏言直隸山西接壤處所自固關大
道以外正定順德各屬小口尙多現經臣飛飭

該管道府分飭所屬親往查看迅速設法堵塞
並札飭駐紮固關之署提臣保恆派兵輪守以
防賊匪偷越其宣化一郡毗連山西大同且附
近京師尤關緊要臣復飛飭該鎮道暨該管知
府一體嚴防妥爲準備均奏入

上命軍機大臣傳諭訥爾經額曰平陽府城收復賊匪
全股竄入洪洞復由洪洞竄出東奔飄忽靡定直隸

正定地方多與山西接壤該督現由清化馳回堵賊
北窺畿輔重地自應迅籌扼守署提督保恆帶兵赴
固關駐紮該處係直隸門戶最爲喫緊著飭該署提
督嚴密防範至宣化各屬及易州紫荊關一帶亦多
毗連山西並著嚴飭各地方文武員弁一體設防認
眞巡查盤詰奸宄毋任匪黨偷越該督務當統籌全
局妥速布置以期保衛畿疆本日已命勝保爲欽差

大臣接辦勦匪事宜恩華托明阿仍令幫辦軍務卽著該督飛咨恩華迅速督兵前進與勝保會合攻勦毋庸留於懷慶所有該地方應行防堵之處已令陸應穀督同河北鎮道妥爲布置仍著該督酌留官兵協同防守

上又命軍機大臣傳諭桂良曰固關爲直隸門戶宣化一郡接壤山西大同易州紫荆關一帶亦與山西毗

連均係最要地方該尙書已飭署提督保恆帶兵前
赴固關防守並知照秦甯鎮總兵德春嚴防紫荆關
等處茲復飭宣化鎮道等一體設防現在訥爾經額
已由清化鎮折回正定著卽隨時咨商嚴飭各文武
員弁實力巡查毋任匪黨偷越

同日李嘉端奏言據無爲州知州林蘭稟稱初
六日聞賊欲由運漕入州該州當卽督帶兵勇

迎至倉頭地方知裕溪以內賊船全向東關又有賊船由外江入泥汊口遂令該處紳董會齊練丁防守倉頭一面會營折往泥汊初七日距泥汊十餘里遇賊施放槍礮互有擊傷追至江口突聞東關賊船還撲州城倉頭守單不能抵禦城內民勇驚散賊遂乘亂而入該州因外援未到招募鄉勇徑攻州城擒獲黃衣賊目一名

餘賊駕船駛竄遂進城安撫旋接巢縣稟報黃
落河停泊賊船多隻窺伺東關十三日有十餘
隻突入神塘埠黃元吉督勇斃賊多名燒船四
隻該賊復聚千餘人由陸路抵太平嶺距縣僅
五十里請添兵勇堵截等語查芙蓉嶺係無巢
往來小路太平嶺路徑更僻皆在東關之後黃
落河既有賊船牽掣鎮臣進退兩難當經飛飭

李登洲折回救應若黃元吉跟蹤緊躡李鴻章亦由柘皋赴巢尙可卻賊否則巢邑不守廬郡更危現在存城兵勇數百人實屬單弱昨聞慧成已帶兵赴和州迎勦業經咨撥宣化鎮兵五百名由和含至東關餘由慧成分派烏江關山兩處而調前守關山之陝安兵來廬以備策應查無爲州城四面皆水賊船處處可通該州暨

營官不能禦賊往來以致失守各有應得之罪
惟念援兵未到三四日閒自行設法收復功過
似足相抵可否免其議處出自

逾格恩施奏八

上諭內閣曰無爲州城失守各員弁本有應得之罪姑
念援兵未至卽行設法收復功過尙足相抵加恩著
免其失守城池之罪仍交部議處

同日光祿寺卿宋晉奏言竊惟剿賊之方非攻則圍今揚鎮金陵三城相持六月皆以收復爲難是進攻不能遽望而所圍者又止一二面不能禁其游弋往來現自鎮江而上直達江西江面盡爲賊占正值收穫之秋濱江產糧處所囤積必多儻被賊搜括禍根愈固惟有斷其糧路爲第一要義查上游聚糧之地首在廬州府屬

之三河運漕兩處其次則太平府屬之官圩甯國府屬之灣沚鎮又次則安慶府屬之中央鎮皆係聚米之地欲斷三河運漕之路必扼裕溪荻港兩口欲斷官圩灣沚之路必扼采石蕪湖兩口欲斷中央鎮之路必扼土橋口如能處處周防斷其搶掠則三城之賊將不攻自潰應請飭下向榮李嘉端作速籌計各自簡派舟師及團練兵

勇分扼各要口並嚴查商販毋許偷漏則賊之
接濟斷絕攻圍皆可得力至沿江一帶商舶漁
船似可設法招致選派得力兵勇帶領於各要
口左近之港汊藏伏探伺或迎擊其前或橫衝
其中或牽綴其後但能剿除一船卽少一船之
賊並請

諭令向榮等查明妥辦迅殄賊氛奏入

上命軍機大臣傳諭琦善向榮陳金綬雷以誠許乃釗李嘉端曰剿賊之方以嚴斷賊糧爲第一要著現在百穀登場濱江產糧處所囤積必多著琦善向榮陳金綬雷以誠許乃釗李嘉端等體察情形簡派舟師及團練兵勇分赴各要口堵截斷賊接濟之路並嚴查商販米船毋許偷漏至招致沿江商船漁船是否可以得力一併查明妥速籌辦